





Veurwoord:

Auch dit jaor hubbe wae
weer ein vastelaovesgezèt
gemaaktj van waor (?)
gebeurdje verhaole euver
van en veur Eller minse. Wae hope den auch
dêt gae ut allemaol sportief zultj opvatte,
zoeë dêt wae met die daag gein nutte gezichte
zulle tege kome. Want dêt is neteurlik neet ooze
opzet.

Langs deze weeg wille wae uch auch bedanke ,
dêt gae auch dit jaor weer eine Kwakel gekochtj
hubtj. Wae wille uch auch eine plezeerige vaste-
laovendj toewinse, same met ut Prinsepaar
Prins Peter I en Prinses Maria en ut Jeugd-
prinsepaar Prins Niels en Prinses Suzanne.
Die wae teves auch veul carnavalsplezeer
toewinse en hopelik baeter waer as ut veurige
jaor.


Ein drie maol alaaf.

ALAAF!

ALAAF!

ALAAF!

De Redaksie



Vastelaovendj:


1990 waas ein vastelaovesjaor dêt wae neet snel zulle vergaete. Waat waas ut probleem? Wae hubbe der lang euver gebakkeleidj, mer oeteindelik môst de optocht, veur den ieërste kieër inne historie (op 1953 nao, toen alles aafgeblaoze waerdje vanweege de watersnoeëdramp) aafgelastj waere, op dringendj verzeuk vanne burgemeister, oomdêt ut geweljig stormdje. Hae waerdje dus inkele waeke oetgesteldj en toen haaje wae ut sjoeênste waer vanne waereldj. Mer minse laotj oos hoope, dêt dit neet mieër hoeftj te gebeure, want oos is gebleeke, dêt de echte vastelaovesstumming neet gemaekelik gemaaktj kan waere. Ut is de raod veur zichzelf auch tegegevalle, oom allein veur zônne sjoeëne optocht de mood drin te haoje. Wae hoope allemaol dêt dêt noeëts mieër hoeftj te gebeure.

Oos aktiviteite van 1991 zeen weer good gestartj. De organisatie vanne Boontje Aovendj waas veurig jaor ein puntj van discussie. Mer door de positieve instèlling vanne artieste enne leeje vant comité, is de zaak weer good aant dreije.

Wae hubbe ut aod prinsepaar (Frank en Judy) en ut oad jeugdprinsepaar (Marco en Monique) vervange door ut noeëwe:.... En wae zeen der zeker van, dêt in 1991 de Carnaval good zal dreije. Wae bedanke de diverse comité 's veur heure fantastische inzet en wae vraoge auch van euch, Eller minse, weer 100% inzet, want soonger euch hoeftj ein vastelaovesvereniging niks te doen

VORST

JAN.



AAFSJIEDSWOORD VAN PRINS FRANK I:

Bêste Moeëre en Moeërinne

Dao is eine tied van koome en dao is eine tied van gaon. Veur mich is noe de tied van gaon gekoome. As ich trök kiek op ut aafgeloupe vastelaovesjaor, den doon ich dêt met alle tevrejeheid. Het waas ein manjefieke ervaring oom te zeen dêt de vastelaovendj in Ell nog steeds ein hoeëg aanzeen heet, woeë veul minse plezeer aan belaeve. De drie vastelaovesdaag woore veur mich ut hoeëgtepuntj. Den kôste merke dêt ut in Ell drie daag eine klot is. Daoroom wil ich auch gaer alle minse en vereinigen bedanke veur de gooje steun en de inspanning die wae van uch hubbe gehadj. Speciaal wil ich bedanke: De Raod van Elf met heur eega's veur de gezellige eurkes, die wae same hubbe gehadj. En in de toekomst nog zulle hubbe.

De Kupêl oonger leijing van Thei Gerris veur de echte Eller vastelaoves muziek.

Adjudant John en zien vrouw Ank wil ich bedanke veur de gooj zeurg, woeëmet Judy en ich zeen oomringdj.


Vorst Jan, tale leefhubber in optima forma. Eine mins met altied gooj zin. Eine dike mersie.

Ich hoop tot slot, dêt Prins Peter I en Prinses Maria ein sjoeën en gezoondj vastelaovesjaor moge met make en dêt de Eller bevolking auch achter dit Prinsepaar zal staon. Drinktj uch met die daag ein paar lekker putjes beer en dootj dêt met veul plezeer.

Dit alles nog eine kieër oonger mien Motto:

Bultk! der uch nog eine!!!


PRINS FRANK I EN PRINSES JUDY



Proklamatie: PRINS NIELS EN PRINSES SUZANNE 1991

Samen: Wae Prins Niels en Prinses Suzanne,
 Niels: Aodste en jongste zoon van Roos van de
 sjilder en Mart van de Smeed.
 Suzanne: Aodste en braafste dochter van Elly
 van Magda en Jan van Thei.
 Niels: Baas van de Swartbrookstraot en ut
 hiël Meuleveldj.
 Suzanne: Beschermvrouwe vanne Antoniusstraot,
 oonger ut oezeendj aug vanne haan oppe
 kèrktoore.
 Samen: Prins en Prinses bieje de grasie van
 oos Pap en Mam, de Raod van 17 en alle
 wichter van Ell.
 Samen: Doon uch weete:
 Niels: Dêet ich met oos Maartje regelmaotig
 zit te kreite.
 Suzanne: Dêet eur Pap en Mam dêet verdoories good
 weite.
 Niels: Dêet ich gaer doon laeze en teikene en
 auch voetballe.
 Suzanne: Mer dêet der met aete neet alles lustj,
 dao moogse neet euer kalle.
 Niels: Noe ich Prins bin, oos mam mich ein
 books heet gekochtj en ein paar sjoon.
 Suzanne: Dêet hae die nao vastelaovendj noeëts
 mieër aan zal doon.
 Niels: Dêet ich oos pap al help met ut bedrief
 in Nejerwieërt.
 Suzanne: Mer dêet ze dêet bieje oos op sjoeël neet
 hubst gelieërdj.
 Niels: Dêet oos Pap en Opa Ell auch Prins zeen
 gewaestj, dêet is waal lang geleeje.
 Suzanne: Den doot dich auch dien bêst, en vraog
 wie die dêet deeje.
 Suzanne: Dêet ich auch net as Niels gaer doon
 laeze, dèk op de gekste tieje vanne daag.
 Niels: Dêet dêet van eur Pap en Mam neet altied
 maag.
 Suzanne: Dêet ich oos Mam gaer help en auch al
 van alles hub gedaon.

Niels : Mer dêet der noeëw en den waal us wat
 mis kan gaon.
 Suzanne: Dêet ich rustig bin, romantisch bin en
 geregeldj.
 Niels: Mer volges eur Pap te leef veur dees
 wereldj.
 Suzanne: Niels ut heet niks met dees prokla-
 matie te make, mer as dich dien Prinses
 zelf haatst môtte keeze, weem waas ut
 den gewoore?
 Niels: Paultje van Tante Miek!
 Suzanne: Dêet kan toch neet, dêet is toch gein
 maedje.
 Niels: Maaktj niks oet wae kriege van alles
 klaor.
 Suzanne: Dêet ich gaer muziek maak bieje de
 fomfaar.
 Niels: Mer dao zitte noeëte tusse die klinke
 hieël raar.
 Suzanne: Dêet ich optennisles bin en dao dèk veur
 joker staon.
 Niels: Dêet begriep ich, want dich most dao
 van Mam persee bieje gaon.
 Samen: Dêet wae noe oeëtsjeije met kalle
 en flink gaon Carnavalle.
 Samen: Oonger ut devies ALLE, GROEET EN KLEIN,
 OPPE BEIN!!!!



BESTE MOEEREBUUK:

As Prins Peter I hub ich de ieër,
oom veuraaf ein weurdje tot uch te zègge.

Van hoeës oet bin ich Rogsteaker en ge-
trouwdj met mien Peelreuzinneke Prinses
Maria, die ich ruum 2 x 11 jaor geleeje
met carnaval hub lieëre kinne.

Toen wae ruum 11 jaor geleeje hiej in
Ell kwoome, waas ut eigelikgeliek raak.
De ieërste kieër dêt wae op stap ginge.
(Ut waas net Carnaval) Kwaam eine Eller
collega drêk met oppe kaojsjootel. Wae
woore nuteurlik hieël verieërtj, want hae
haaj de hieël familiej bie zich. Toen
haaje wae al gezeen, dêt vastelaovendj in
Ell gêt spesjaals is. Auch al bèste noeë
in Ell. In ut Moeërelandj steit nemes
aane Kantj.

Daoroom zulle wae probere, same met
jeugdprins Niels en Prinses Suzanne
eine geslaagdje Carnaval van te make.

Same met uch minse van Ell
en met muzikale begeleiding vanne Kupêl.

en ein handj inne rök vanne Raod van Elf
den geit dit alles van zelf.

Maak die daag den auch veul plezeer.
en drinktj eine gooje pot beer.

Want carnaval is fijn
veur groeët en klein.

Ich gaon regere in de orde vant Postzêkske:

Oonger mien Motto: Wae doon drie daag gêk
met de postzak oome nêk.

Prins Peter en Prinses Maria

ALAAF! ALAAF! ALAAF!



ZWUMLES:

Ein paar hieëre op riepere laeftied, woeëje
toch nog waal gaer zwumme lieëre.

Zie zich bieje ein gepaktj en nao "Privébad
Josefien" gegangen. Op ein gegaeve moment
môste ze auch oppe rök probere te drieve.

En dêt veel neet met,

want ut kleinste menke

dae der bieje waas en toch

waal ein bietje sjrik haaj, zag

toen tege de badjuffrouw, "Ich hoh

ut nog noeëts op miene rök gedaon!" Waat

bieje die angere deilnummers ein vêtting lache
oeët, lokdje.

Foei Foei Here!



Angstzweit???

Der waas ins ein zilvere broeëdspaar.

Op ut fieëst, nao ein paar potte beer, toen
verteldje de zilvere broeëdegom, dêt der nog
noeëts zoeë gezwêtj haaj as de ieërste

huweliksnacht. Je, je, dêt zal, waerdje der
gelache. Mer ut waas toch anders as dêt eeder-
ein dacht. Want zoeë verteldje der, dêt der
de plastik der vergaete waas van te hoole....

vanne noeë Matras!!!



Bejaarde Hoeës:

Eine kastelein, auch neet mieër vanne jongste, wildj der met stoppe. Verleeje jaor dacht der, laot mich mer vast insjrieve veur ein bejaarde huske. Hae nao de gemeindje. Mer helaas dao vônje ze de laeftied van vieftig jaor toch waal ein bietje te joonk. Noe kloeëtj der nog mer ein paar jaor aan, heet der oos laote wete.



Wis djer al....

- Dê Ut hel geweidj heet, verleeje jaor met de vastelaovendj....
- Dê Toen veul minse ein "pan" aaf haaje. Mer dêt dêt neet allein vanne windj kwaam.
- Dê Dêt menneke van de zwumles, dae is, dae al twieë jaor op riej de kwakel heet gehooldj met zien T.V. anten.
- Dê Prins Frank verleeje jaor, hieël wieërt is aafge waest, veur sjelvès int zoor.
- Dê Dae vès ein hoeësraep is vanne Bekkers-familie.
- Dê De hieëringe van Siem eine daag en eine nacht hiej de Café boeëte aane deur hōbbe gestaon.
- Dê As ein vanne joong dêt gewete haaj, Siem gein hieëringhappe haaj hoove te haaje.



Slaop eurke!!!

Biej de Raod van Elf zeen toch auh ein paar mansluuj biej, diej ut neet mieër aan kinne. Dê waas verleeje jaor al zoeë.

Noeë num menieër B.S.

Smaondes saoves

biej de

s' Nachs zoeë

of ein, ver-

van Siem oeët

Bêr dae vroeg

anger leeje


good voonje, dêt

ging slaope! Hae zoeëj den dao nao noq waal

effe nao koome. Nou ja, waat môst te met zoeë

eemes, dae neet waetj, dêt oom twieë oor

EEDEREIN môt qaon slaope.



waas ut sloeëte

Prairie.

tege ein oor

trok de Raod

op Nol aan.

toen, of de

vanne Raod ut

der effe ein eurke

Helder zicht:

Geit eine jongeman eurges oppé koffie. Zeet der tege de gastvrouw, "Waat is ut toch leeqt hiej in hoeës? Hōbtj der soms de gerdienegewanse?". De dame in kwestie, die zeer proper is dan gelandj, die zaaf drek "IN" de gerdienegewanse! Waat gelandj hiej in Elf



asdjerdienktj:
 "Det höbbe ze neet"
 goatj den toch mer
 effe noa


Jan en Mia Govaerts.



VEUR VEUL geluid
 en goe leecht
 nao Hub


de zale-accommedatie van

Nol en Ietje,
 veur eine gezellige
 pot beer, ein fieëst
 of vergadering.



UFO!!!!

Toch heet dët gekke dink invloed oppe minse.
 Federjaor duiktj ut weer op in deze kwakel.
 Dit jaor is weer ein Ellermaedje (Ein zake-
 vrouwke oet Sittard) die zo'n ruimtegeval
 dinktj ondektj te höbbe. Ze waas aswoonsdig
 kome hieëringhappe in Ell en toen ze midde
 inne nacht richting zuide reej, ontdekdje ze
 gët oppe Napoleonseweeq. Ze sjroök zich rot,
 eine Ufo dacht ze. Mer toen ze met eine klap
 de auto inne puin haaj, kwaam ze tot de ont-
 dekking, dët ut geine Ufo waas, mer eine baum
 dae door de storm waas oomgeweidj. Marlies veur



ut geval dët ze nog ins gët
 zuust, wille wae dich ver-
 klappe, dët eine Ufo ein
 groeët rondj geval is, waat
 inne locht hingtj en leecht
 geuftj. Dus gein lank zwart
 veurwerp, dët dwars euver de weeq ligtj!!!!


GEZENGELDJ WATER TEGE EINE KATER:

Toen Nol op vakantie ging in Frankrijk, waas
 drêk nao twee daag wie dët der dao waas, in
 Londen al water op ranseen. Naoderhandj huur
 dje men de consumenten van Nol zêdqe, dët ze
 veul minder last haaje van koppien as veurhèr.




Boeëte gesloote:

Anny haaj smaondjes saoves op ein gouwe-broeë-loft tot s'nachs twieë oor gewèrktj. Meug ging ze heivers, en zag tege zichzelf, ich zal bliej zeen as ich dadelik mien bein kan wegstaake. Jao daag, toen ze aan hoeës kwaam, haaj de laeve Peter ut nachtslot oppe deur gedaon. Dao sting Anny met heure sleutel inne henj. Ze haaj al ins gekloptj oppen deure en loeëke, want ut hoeës is good beveiligdj. Mer nop hê, nemes dae oope deej. En dao steise den, gein mins inne buurt dae nog op is, gein kwartje oppe tes, oom inne cel te gaon belle. Gelökkig merkdje ze dêt biej Siem nog leecht brandje. Den mer oppe raam gekloptj. Siem keek ein bietje stom, toen der dao midde inne nacht ein eenzame vrouw boeëte zuut staon. Mer Anny kôst der ein gooj verklaoring veur gaeve en ze mocht belle. Mer good dêt dochterleef inne kraamzurg zitj en de telefoon naeve ut bed heet staon. Want nao twieë kier euvergaon haaj Anny al ansjus. Gelökkig heet ze toen nog van ein gooj nachtrust kinne geniete!




Eur kiekjes groeët of
klein bie John zeen ze
allemaol aeve fein.



Veur al eur tegel-, grondj-
klinker- en sierwerk
nao Wim

Vörs van 't bèd,
ein lekker paddesteulke
van Jo of Lowie



Verbouwing:

Al jaore wurdj der door ein clupke van tieën
man inne staatsloteriej gespeuldj. Jan hooldj
de loote, Theu bezörgdj ze bie de minse.
Asse den allemaol betaaldj höbbe, den deut Theu
ut geldj in ein envelop en duutj diej inne breve-
bus bie Jan. Dê't werktj good. Mer op eine kieër
woeëje de envelop neet good door de brevebus, die
inne moor zaat. Theu duutj nog ins rojaal tege
dê't stom dink en wiltj den zien handj tröktrekke
Ho, mer, die hanj ging neet mieër veuroeët of
achteroeët. Dao sting Theu, hoe mieër hae auch
probeerdje, hoe vaster ze ging zitte. Djuu
dacht der noeë kan Jan zien hoeës laote aaf-
bracke oom mien handj der oet te kriege. Hae
keek al ins versjriktj achteroom, want as eemes
zoeë bie ein veurdeur steit te rommele, dê't
kumtj toch waal verdacht euver. Gelökkig luktj
ut hum oom aan de bel te koome en dao op kwaam
ein vanne maedjes van Jan oone doon. Is nap
auch toeës vreugtj Theu bi 'n benauidj. Dao
ich zal hum effe roope. Dao kwaam Jan anzette.
Daag Theu, kom binne jong. Dê't zoeëj ich oer
doon, as ich vanne plaats aaf kôst. Toen pas
zaag Jan waat ut probleem waas. Nao ein
geduuj van binneoeët en ein gevrakkel van boeëte
oet waas der eindelijk los. Achteraaf kost der
der oom lache, mer hae heet gezwoore, zien
handj noeëts mieër eurges in te staeke!!!!!!


nog neet gedèktj
tege alle risico's?
Knappe verzekeringe
wètj wal raad.



"Quasi Modo"


blijftj ope tot hae
tege sloetestied de
klokke geit loewe.

Waas eure fiets neet
verzekerdj?
Goatj den ins kieke
biej Albér.
(unne angere Knappe.)



GELD PASJE:

Evert ging met eine kinnes winkele inne stad.
Op ei gegaave moment heet dae kinnes neet
genôg geldj mieër bie. Gein probleem, ich pak
efkes gêt bie de bank. Jao mer ut is aovendj.
Acht oor, zeet Evert, de bank is toch toe.
Mer ich hub ein pin-code, en kan zoeë geldj
kriege. Effe de kaart drin en ut is zoeë ge-
fikstj. Zoeë gezag zoeë gedaon. Tik, tik, tik,...
hup, dao vlooge de cente oet de moor.
Gho, zeet Evert dêt is waal henjig, ich zal dêt
auch ins probere. Nae dêt geit zoeëmer neet.
dao môste bie dees bank veur zeen, en ein
speciaal pin-code veur hubbe. Mer veurdêt dae
kinnis oëtgesprooke waas, haaj Evert zien
pasje al inne gleuf zitte. Dêt waas dus good
fout. Pasje wêg, en de hieële zaak ontreegeldj.
Waat eine sores der dao met gadj heet, oom de
zaak recht te kriege, heet Evert besloote
oom noeëts mieër zien pasje as speulkaart
te gebroeke!!!



DE S T E R :

Biej de sleutel euverdracht van verleeje jaor,
môste de aod Prinse met heur Ster opdrave.
Eederein haaj diej ster nog,
behalve Albèr van Knaape.
Noeë wist eine angere aod
Prins te vertelle, dêt Albèr
die Ster inne oorlog heet
môtte inleevere.

Wae zitte noeë met ein paar vraoge:

- Wie aod is Albèr, dêt dae al veur den
oorlog hiej in Ell Prins is gewaest?
- Zeen die Sterre den zoeëveul waerd, dêt de
Pruuse dao gêt met koste doon?


OVERTOOM?

Veur ein akkefietje môste ze bieje Siem de
dokter laote koome.


Deze waas nogal vriej gauw
ter plaatse. "Gho", zeet Mart
van Stiene. "Dat is snel, het
lijkt Overtoom wej."

De dokter zag toen met ein oeëtgestreeke
gezicht, "Mijn naam is dokter Snel."

Dao haaj Martje toch neet van trök!!!!




Zeetj gae eine doore de
wol gevefde, goatj den
veur eur bôlkes nae
Wolboetiek „Boefie”



★ Siem...
CORIEN!
★ DRààààànk

O.L.S.:



Toen verleeje jaor de aoje
limburger in Sjaasberg
waerdje gehaoje, stoong in
ut kontaktblaad, dêt de
drumbend van Ell Veur de op-
tocht ging. Zoeëje ze dao
den gein fomfaar hōbbe, heet zich menigein aaf-
gevraagd. Mer de kinnere wiste good, dêt be-
doeldj waerdje, dêt veur de optocht zoeëj gaon
trekke, de drumbend opmost gaon veur pries. En
dêt is hun nog gelōktj auch. Alsnog names ut
comité van herte profisjat. Veur dêt hiej
herrie van kumtj, alles en eederein die met
waat auch, eine pries gewonne hōbbe, ooze
"Hertelikke gelōk winse."

Wis djer al....

Dê Marlies neet mieër bang hoeftj te zeen
veur Ufo's.

Dê Ze eine bodygard heet as eine boumstam.

Dê Thjeu vanne Kaolder ein pracht van ein
fieëst haaj.

Dê zien Margaretha hieël veul melk daoveur
heet mōtte gaeve.

Dê Der toen bie Siem muziek speuldje, dae
oom aantehunire waas.

Dê Der minse woore, die vroage ot Siem auch
ein fieëst gaaf bie 100.000 liter beer.




SJEETBOOM:

Wis djer dêt de sjōtteriej eine sjeetboom heet
met eine kogelvanger, Dê ze dae zelf zeer
good gemaaktj hōbbe. Dê ze dao auch ein sjoen
oomheining oomhaer gemaaktj hōbbe. Mer dê ze
biena al ut werk verniks gedaon hōbbe. Dê der
ein paar raelkes veurke haaje gestooktj bie
de sjeetboom. Dê Harry Siebe zich de barste
heet mōtte blusse. Mer dêt waas neet de ieërste
kieër dêt der de sjōtteriej oeët de brandj
heet mōtte helpe. Waat waar is is waar, bie
de sjōtteriej hōbbe ze eine gooje aan Harry.
Wae kinne twee spraekwoorde,
die hieëlemaol te pas koome
bie Harry.

Hae luptj zich ut veur oet
zien sloffe!!!!!!!

Hae geit veur zien club
door ut veur!!!!!!!


Mer noeë wete wae auch, wooroom Harry zoe
veul last heet van ein druuij kael,
Door die wermdje nateuriik!!!!!!!



Te Koup: Sjoen dames fruije vanne Raod.

Mer ein paar kieër gedrage.



Dus qua nog neet versleete.





ein mikske,
bruédje of
gebekske,
gezoondj en lekker
van oze eige
WERME BEKKER!

de taxi veur
eur vieë,
laotj ze rieje
door Wiel Geenen



te krap, te groeët,
te wied of veur
ein noew Pekske
modjer bieje
"DE SJRUËR" zeen.

Verkeezinge!

Vindj gae auch neet dêt inne verkeezinstied der veul minse zeen, die erg vrintjelijk zeen? Dêt asse verkeezingscampange hilst, dêt dêt erg "Kien" is? zeker asse den in ut kontaktblad op ein blaad vermeldst, dêt door ut kiene de vereinigingen, de minse neet mieër hoove lastig te valle, door langs de deur te gaon. Dêt op ein paar blaajer der veur ut K.V.W. metdeildj:

"Wae koome inne loup vanne waek met ut Sinterklaos ummerke langs de deur."

KIEN

Verkeezinge en Kiene:

Zeker is ut fijn dêt met dêt kiene, veul vereinigingen zeen gebaatj. Mer ze zulle toch nog waal zeker ins bieje de minse aane deur koome. Waat zoeëj ut zeen:

As "Avanti" neet mieër aan flora duit. Wie koome wae den aan gladiole of eine kerstboom?

En den niks mieër kinne winne op ein lot vanne "Fomfaar". As de "Voetbalclub" oos neet mieër profisjat winstj met ooze verjaordaag?

De "Sjutterie" oos den leutj zitte met ut aodiezer?

Wae zelf waotels môtte gaon bakke, in plaats dêt

de "Vollybalclub" dêt veur oos duuit? As wae

geine Kwakel mieër hoove te make veur de

"Moeërebuuk". In augustus gein olliebollen koope

aete van ut "K.V.W." Nae, nae, blijftj gae mer

allemaol lekker kiene en kom oos nog mer gêt


verkoupe! TOT ZIENS!!!!





Is eure auto eine
groëte zoeplap?
garage Hemels heet
eine goeie tap.

stief wiej ein
hout.
laotj ug den mer
ins knaeje bie



BEEKMAN EN JEURISSEN



Plezeer veur
groët en klein
mèt ôze
amusements-
specialist

"KEPPER"

De Fietsedeef:

Met Pop in Ell dacht Matje, och mien vrouwke
is toch waerke, ich pak effe mien mountybyck
en gaon ins loestere inne zaal. Nao half
douf te zeen gewoore en en paar glaze beer
achter de kieze, dacht der, noeë mer gauw op
hoeës aan en aete kooke veur mien hartediefje.
Hae kumtj boeëteen dao is mich toch ziene
fiets weg. Waat is mich dët noeë, hae wat ge-
sakkerdj en gedjuudj, mer niks aan te doon, den
mer te voet op hoeës aan. Unne maondj of twee
later, luptj zien broor Henk met zien vrindin
in Wieërt, waat steit dao veur ein of anger
bar inne stad? Sjuust jao, de fiets van oos
Matje. Waetste dët waal zeker zeet Carien?
Mer Henk waas 200% euvvertuigdj dët dët oos
Matje ziene byke waas. Oomdët de noeëve eige-
naar wist waat jatte is, haaj hae oet veurzurgs-
maatregele de fiets waal aafgesloote.
Mer dët waas veur Henk gein inkel probleem,
hae droog de fiets op ziene nek nao de auto.
Matie waas neteurlik de kuning te riek, toen
der zien verveurmiddel
trök zaag. Mer wae vraoge
oos waal aaf, wiej Henk der
zieh oet geredj haaj, as
de pliesie hum haaj aangehaoje.



Al ut werk veur niks gedaon:


Ein waor gebeurdj verhaol. Van hunëre zegge. Eine Eller mins met zien vrouw môste, bie heur dochter diej in Grathem woëntj, gaon baby-sitte. Toevallig heet dae mins veurig jaor auch al de Kwakel gehaoldj, mer toen haaj der neet de hoofdrol. Laote wae ze veur ut gemaak mer Frits en Truui heite. Noeë oom trök te koome op ut verhaol! Het waerdje aovendj en tied oom op Grathem aan te gaon. Waetste waat zeet Truui tege Frits, goeëj de strikhoos mer inne auto, den höb ich gêt te doon as der niks oppe tillevisie is. En den krieg ich inne gang dêt paar sôk weer aaf. Zoeë gezag, zoeë gedaon en dao op Grathem aan. Dêt haaj eine hieële tied good gegange, mer opins veel de strikhoos vanne bank. Jao mer zeet Frits tege zien vrouw, wie kan die noeë van zo'n breij achterbank aafvalle. Truui snapdje ut auch neet drêk, mer wie ze in Grathem bie heur dochter aankwoome, haaje ze ut zoeë gezeen. Waat bleek noeë, wie dêt Frits de strikhoos inne auto goeëdje, kladje hae de deur toe, mer haaj neet inne gate, dêt de bol gaare naeve de de auto veel en zoeëdoonie waas de bol enne strikhoos zoeëqât op, wiedzêt ze in Grathem oppe oprit oet de auto stapdje. Mer ein gelök haaj Truui neet, ze boestdje op en zoeë staeke op te

zêtte, want diej zoote nog oppe naoldj.

Wae vanne redactie vinje ut jaomer veur Truui, noeë dêt ze drêk ein paar sôk achter liktj. As der minse zeen die zich bie Truui ein paar sôk besteldj höbbe. koome efkes oppe wachtliet. Mer Truui hooitj dêt waal weer in. Succes!!!!!!!

ELL

Grathem




SINTE MERTE:

Woeë woore de veurkes-stoeker vanne sjeetboom toen ut Sinte Merte waas?


Toen waas de houp met gein meugelikheid in brandj te kriege, mer denstaon de mamma's en de pappa's te kieke. En den durve die sjet-boekse neet zoeë flink te doon.

Ut K.V.W. zaaf der toen behunërliek met. Mer as ut volgendje jaor de houp weë neet inne fik wiltj, den kindj gaer van oes redactie, de name kriege vanne joenges die good zeen in veurke stoekje.




Koeje verhaol:

Thjeu waas in november nog apetrots op zien Margaretha. Mêr inne waek veur Sinterklaos waas der toch neet mieër zoeë bliej met zien vier-voeters. Met Siem en Jo waas der aan ziene vieëstapel bezig. Laot mich inins ein stôm koe oppe luip gaon, dwars door ein hêk haer. Met ut geval omme nek ging ut bieëst nao de kl.... Siem meindje dêt der sterfdje vanne lach, toen der ut bieëst zaag renne. Thjeu waas des duufels Toen ze nao veul trammelant eindelijk dêt lômp geval haaje gevange, ging mich dêt log bieëst met zien lômpje puuij bove op Thjeu ziene voot staon. Zoeë asdjer begriepjtj waas der toen hielemaol hels. Met de voot dae behuuirlik pien deej, stampdje hae dêt erm bieëst onger zien kontj. Dêt haaj der dus neet môttedoon. Want toen haaj der ut pas good vergramdj. Siem en Jo die ut neet mieër haaje vant lache, zeen toen waal met pap nao ut zekehoeës kinne gaon. Thjeu haaj ziene voot behuuirlik "gekwetstj". Dao kumt gein foto of artikel euver in de gazet. Zoetj gear waal dêt ut good is, dêt geestdêr "Kwakel besteit".



Wis djer al.....

- Dêt Harry van Seerde gaer helptj met kiene.
Dêt Hae dao den sjans heet.
Dêt Dao ein dame waas, die vroeg of der met nao boeëte ging.
Dêt Mart ut duit met eine droeëvetros.
Dêt Der auch dokters zeen, die zeek kinne zeen van beer.
Dêt Dae dokter eine echte Eller joong is.
Dêt Paultje ziene Papa al good kan helpe.
Dêt Hae al ein stök of vief fleskes beer "Geopendj" inne keulkast zat.
Dêt Eier hoole per brommer slecht geit.
Dêt Ze den al struif hōbst, veurdêt ze vanne parkeerplaats aaf bèst.
Dêt Eine kastelein veur bloome zoeëj zörge, toen heur team kampioen waerdje met biljaare.
Dêt Dae kastelein bie ut heugelijke moment. mer met drie bosse bloome klaor sting.
Dêt Dao ziene eige zoon dao toen de duupe van waerdje.
Dêt Ze met kiene auch al eine pols kinst braeke.



Twiee versjillendje sjoon:

In Ell hubbe ze ein gooj volleybalclub, woeë dêt nogal veul men en vrulluuj in met speule. Zoeë auch Toos van Peters, baeter bekintj as Toos van Thijs. Ze speultj met bie de recreante. Op eine gooje kieër moste ze auch weer speule, en dêt nog waal oeët nao Leuke (in Wieërt is dêt). Dêt waas ein gejaag, Dêt kinste waal dinke. Hoeësvrouw, mooder van ein paar braaf joonges en Thijs as mins. Dao most ieërts ge-gaete waere, toen nog aafwasse en opruime. Dao nao haaj Toos weinig tied mieër euver, veur de gymspulle inne tas te doen. Alles ging roef, roef en Toos waas den nog net op tied aanne gymzaal. Federein waas dao, dus instappe en wegweeze. Dao in Wieërt aangekoome, ginge ze de kleidkamer in veur zich oomtetrèkke en de taktiek te be-spraake. Mer wiej dêt ze zich aant oomkleije woore, sjoot Toos inins inne lach en ze kwaam neet mieër bie. Mer oppe door kwaam ut der toch oet en Toos zeet: Ich hub twieë versjillendje sjoon bie mich. Eine van mich en eine van Thijs. Mer gelökkig eine rechse en eine linkse. Het zeen waal versjillendje klouere.



Dêt kan mich niks vurèkke zeet Toos, ich doon aevagood met. Ich doon waal eine tesplak inne sjoon van Thijs, want dae waas ein paar maote te groeët.


En dao ging Toos van links nao rechts door de zaal. Dêt waas mich nog ins eine wedstried, dao bleefse bie lache. Ondanks die sjoon, woore ze auch nog gewônne.

Zoeë zuuste mer dêt ut der neet altied op aan kumptj waat dêt ze aanne veut hubst!

Jo tege Pietje daags nao ut Prinsebal. Pietje doe zulst waal meug zeen vant danse van gistere. Mien Mary heet teminste blauw tieëne. Antjwoord van Piete, den zal ze waal de hieële aovendj met dich gedanstj hubbe! 1 - 0 veur Pietje.


Eine mins oet Swartbrook, zoeë zaat wie eine aap, waas op weeg nao hoeës. Mer hae pakedje de verkieërdje aafslaag en kwaam bie Tjeu aan hoeës terecht. Deze heet hum toem mer trök gebracht nao de dichs bie zeendje café. Zoeëj ut kinne, dêt dao statiegeldj op steit as dêt ze zoeë eemes inleever?





DET ÔZE TUMMERMAN
zoëë good waas
WIEL
BEURSKENS

veur fieëste
en tampieëste
nao ôs
gemeinsjapshoes



ELLENHOF



Bindjer nog
neet net
gendj
den nao
"JEANNE"




Veur ein verzekering,
ein reis, geldj teveul
of nuedig veur ein bank,
noa de BANK.


Wildjer get poote veur
de seek....
den nao Sjra of
Linders heia....



veur get sappigs
NAO MOORS EN
KOPPEN



Openingsstied:



Eine café-haojer duuit
eedere daag oom klokslaag
vief oor de tent oope. Hae
heet den auch vaste klantje,
die nao hun werk efkes ein
pintje koome drinke.

Op de daag nao Sinterklaos (hae haaj neteurlik
te veul gesnoeptj, van ein natje en een droogje
op ut heerlikke aovendje) waas ut al zeve oor
en hae haaj nog geine klantj gezeen. Goh vrouw
zag der, waat is ut toch mer stil. Mer vrouw-
leef voonj ut lang neet zoeë erg. Den kan ze
nog efkes rustig geniete, van Hans met al zien
prieze. Mer Nölke haaj ut der toch neet zoeë
op. De biljaarders môtte auch ongerhandj hiej
zeen. Ich snap der niks van. De weurd woore
nog neet kaod of dao waerdje gekloptj en ge-
rammeldj oppe raame. Ut menke vluugtj oeët
ziene stoel oppe deur aan. De biljaarders
stinge inderdaad al oppe stoep. Mer de café-
deur waas nog stevig oppe knip.
Jê, jê ut is toch gêt, asse as kastelein de
viefstig bèst gepasseerdj en ut allemaol neet
mieër zoeë good hiej ein kinst kriege!!!

HOOFDREDAKTEUR:

Hoera, hoera, wae hōbbe eine noeëwe baas!
Veur ooze gooie ouwe Kwakel, hōbbe wae eine
noeëwe hoofdredakteur gekrege. Evert van Tiny.
Sjoeënbroor van ooze Vorst Jan. En ut ver-
wantjsjap van ut lèste, dêt kintj gaer good
merke. Want aan Evert hōbbe wae eine hieële
gooje. Wae dinke den auch dêt Jan hum eine
hieële boel heet biegebracht. En Evert is den
auch as Hoofdredakteur gehieël en al verantj-
woordelik, veur de waor gebeurdje verhaole,
mer auch veur de sjeale zeiver in dees gezèt.
Evert joong dêt wae nog eine lange en sjoeëne
samewaerking moge hōbbe. A L A A F !!!!!

LEKKERBEKJES:

Dêt noe mer nemes mieër beweerdj,
dêt de liefde van de man neet door
de maag geit. Gae môstj mer ins
wete, wieveul mansluuj hiej in
Ell oppe kookles zitte. En auch
mansluuj, woeëvan wae wete, dêt
auch vrouweleef good kan koke,
bakke en braoje.

Wannieër kōnne wae ins van eur kookkunst ein
demonstratie verwachte? As preuvers haoje wae
oos in eedergeval aangebooje!!!!!!




XX
Derckx

Staalbouw
Derckx b.v.
Nederweert

ugge partner en
spesjalist in
staalkonstruksies


songer de hulp, de sponsering
en de kwaliteit van dit bedrijf
haje wae noets zonne sjoëne
prinsewage gehatj.



det geldj ouch veur
Loeënbedrief
Harry v/d Looy
dae zien Loëds
ter besjikking
stêldje.

Wis djer al.....


- Dê: Ut stök oppe boontje aovendj van Jos, José
Peer en Mat met gelök veur Mia en Piet
nog door kost gaon.
- Dê: Matje met Jos de tekste maaktj bie Piet
oppe computer.
- Dê: Matje toen de tekste klaor woore, ze bove
op ein branjendje kaers lag.
- Dê: Der toen auch nog hieël verwoonjerdj zag
kiek mam ut brandj.
- Dê: Jan waereldjkampioen is gewoore, met
biljaare volges Mariëlle.
- Dê: Jochem ein sjoëne kupke haor heet.
- Dê: Stiene Bèr geine kerstboom heet gezatte,
oomdê der de verleechting neet heet kinne
vinje.
- Dê: Mart van Stiene hum waal haaj staon.
- Dê: Kerstkaarte versteure goojekoup kan zeen.
- Dê: De femieliej dê ongervoonje heet.
- Dê: Ut veur de vader vanne jeugd prinses
lestig waas oom vriej te kriege met
vastelaovendj.
- Dê: Peter van Hunsel toen ziene vrieje daag
aan Jan heet gegaeve.
- Dê: Wae oos noe aafvraoge wie dê ze dê bie
de post noe geregeldj hubbe.



HOEËGE NOEËD:

Veurige zomer vertrok iene groep Eller moterleefhëbbers per geheurdje bus nao de T T in Assen. Ut volgendje verhaol geit euver eine bepaoldje persoeën oet dae groep. Veur ut gemaak numme wae hum "Sus", oomdê wae gein name wille numme. Sus haaj lanjelicke bekindjeheid kinne kriege, as neet de lenze vanne filmcamera's beslooge. Waat waas ut geval? Tiedes ein vanne pauzes, tusse de diverse races waardje Sus bevange, door de dringendje behoefte, eine groeëte hoeveelheid vloeistof te looze (5,5 % vol.). Oomdê der gein gemakelikke bereikbare gelegenheid inne buurt waas, beloot der euver de aafrastering haer te klumme en op inkele maeters van ut circuit te gaon staon. Met ziene rök richting publiek, de bein in spreidstandj, bracht hae ut gesjut in stèlling. Ein waterval op kleine sjaal begos zich te vorme, toen inkele angere oet ut gezelsjap, in ut bezit van foto apparate auch euver de aafrastering haer ginge. Waarsjienlik bang dê der ein gedetailleerdje opname van gemaaktj waardje, dreidje Sus zich opslaag oom, toen ein vanne fotografe veur hum ginge staon. Zoeë doonje weer zien mannelikheid echter richting de tweeëdje fotograaf en ut publiek oppe tribune.

Ut aantal oomwentelinge, dê hiej op volgdje, getuige van ein aankoomendj talent as ballet-danser en teves as komiek. Want ut oet hoongerde minse bestaondje publiek kos de opveurendje sjoow good waardere, getuige ut applaus dê Sus kreeg, toen der van zien last verlostj waas en trök keerdje nao zien plaats.



Kaal mer toch nog geleefd:

Den haan biej Nol haaj bie nao geine stert mieër. Nol zeet toen tege Idy: Ich gluuif dê ich dae haan mer opruim, want hae heet bienao gein vaere mieër. Woeë op Idy antwoordj: Ich ruuim dich toch auch neet op noe se eine kale kop hëbst!

NOEEW BORRELHEPKE:

Zoeë as gewuunlik waerdje met de wichtermiddig nateurlik weer Wedde dat... gespeuldj. Sjaek van Linje haaj zien weddensjap verloore. Volges hum waas de sjurie neet good bie, mer dê is zien meining. Effin, hae môst de auge oeët de erpel doon, diej men al gesjeldj gebracht haaj. Den môst hae ze kooke en der gêt van make waat aetbaar waas. Met eine sjulk van Idy veur ziene hoeëk, begost der as ein echte keukeprinses aan zien taak. Toen de piepers gaar woore, kwaam ooze Cora van Mora met ein sjaol woeëop blukskes erpel netjes aan prikkers gestoke looge. Hae deildje ze oet aan de hossendje en drinkendje minse. Later woore der luuj die zagte, dê dit hepke heur geredj haaf en net neet ein stök inne.....kregel




LEEJE LEID:

Zoeë is ut bie eeder vureiniging waal gêt. Der zeen leeje vanne geiteclub, diej wildj zeen oomdê ze slechte puntje gehooldj hōbbe met de Prairiefieëste. En terecht, zelf hōbbe wae auch oos twiefels euver de puntjeverdeiling. Deze metdeiling zal oos auch waal noeë neet drêk ein hoeëq scoore doon opleevere! Bêê, Bêê !



Laotj uch ins Lekker bie
eur puit pakke
door: Wies van Hover
Ria Smolenaars
en Toos Mennen

Zitte eur hoan
neet good of inne weeg
den nao Tiny



As eur bieëstje
get mankeerdj,
gaotj den vlot nao
ô dierekliniek.

KOEKEBAKKERS:

Dêt oppe Eller beugelbaan van alles te doen is, waetj oongerhandj waal eederein. Doe kinst der van alles kriege. Hêpkes, drank, soep en Oomdêt zoeë goodkoup meugelik te kinne bringe, gaon ze geregeldj de grens euver. Deze kieër (zomer 1990) waare Wiel en Harry aanne beurt oom de veuurraad aan te vulle. Biej de grens-euvergang waas geine komies te zeen. Dus reeje ze opgeluchtj nao de drankehanjel. De bestêl-auto volgeduudj met drank en anger spul waat ze nuuedig haaje. Ze ginge zedelfje weeg trök as ze gekoome waare. Bie de grens waas weer gein kip te zeen. Gelökkig zeet Wiel, want met die Koekebakkers hub ich ut leever neet te doen. Mer opins kwoome ze teveursjien, en Wiel most stoppe. Den hieële hanjel waerdje oongerzôchtj. Wiel en Harry moste nao ut kantoeër en de oongervraoging begost; Woeë is toch al dae drank veur en of ze auch wiste dêt op smokkele hoeëge boete steit en dêt ze daoveur achter slot en grendel kinst koome. Naodêt ze ein paar oore vastgezate haaje en ei procesverbaal opgemaaktj waas, zeen ze hoeëswaars gekeerdj, met loeëd inne sjoon. Oppe beugelbaan aangekoome, begos Sjang auch nog ins te pête. Wiel doe most good oppasse, anders zette ze dich en Mia nog inne bak. Gelökkig zeen ze met de sirik vrijgekoome en is noe ooze noeëwe Prins de vaste leveranceer gewore!!!



OPGESLOOTE:

Het waas kinjervekantie-waek. S'middes zoeëj oos Kepperke optraeje veur de joongste. Der môst nog van alles gedaon waere inne zaal en dao woore van die minse die dao verantwoordelik veur zeen, auch drök met bezig. Toen ze dao met klaor woore, toen hōbbe ze de boel good aafgesloote en ut alarm weer ingesteldj. Wat die minse neet inne gaate haaje, dêt André nog drök aant oefene waas inne zaal. Toen der nao hoeës woeëj gaon en aan ein deur kwaam, toen haatste utgerammel inne glaaze. Mer noeë sjrikke wae neet mieër zoeë erg mieër van diej sireene hiej in Ell, want dae prul geit waal dèkker aaf veur niks. Dus nemes leep zich te barste, oom te kieke waat der gaondje waas. Tot op ins eemes tot de ontdèkking kwaam, dêt der eemes rare bewegingen sting te make achter ut raam van Ellenhof. Waas der den toch eine vreemdje inne zaal. Nao ins good te kieke bemerkdje hae dêt ut cloon Kepper waas. Veurdêt men hum losleete, heet men zich waal ieërst aafgevraagd of die grimasse van angst woore, of dêt der ein act aant opveure waas!



DE BÈSTE SJÖT:


Eine vanne aodste leeje vanne sjötteriej, kwaam langs bieje ein boore-femilie die nogal deep int veldj en tusse de weilandje woeëne. Diej haaje ein windjbuks, woeë ze neet zeker van woore, of die nog waal good waas aangesteldj. Dus vroeg de vrouw des hoeëses of de veurnumdje persoeën ins effe woeëj probere, of dët dink nog waal good sjoot. Gein probleem, ins kieke, gët dreije en gët sleutele en noeë môt ze good staon. Eine blik op ut peulke richte en paaaaf.... hoon kepot!!!!

Weem zag dët ooze jacht-opziener allein mer op wildj sjuuëtj?

PAAF AAF NAE MIS:

Dao woore ins twieë belsje jaegers, die op knien ginge jaage. Op nins zeen ze eine knien zitte. Den eine jaeger sjuuëtj. Ut knienke bliëftj zitte.

Den ander jaeger zeet toen:
Sjeet nog ins hae hoet dich
neet ge huuërdi!




BOONTJE AOVENDJ:

Miek vindj de boonjeaovend sjenbaar waal zoeë geweldig. Zeker as de "Witte" metduuit. Toen verleeje jaor de kaertjes waerdje genummerdj, waas ze zoeë bang dët ze gein gooj plaats zoeëj kriege, dët ze al ein waek van te veure veur de veurverkoup bie Siem oppe stoep ging staon!

OPGESLOOTE:

Eeder jaor weer hōbbe wae dao versjillendje verhaole euver. Zoeë as in deze Kwakel al weer de derdje, die zoeë gët stōms belaeftj. Deze story geit euver Ger van Jo. Oomdët ze de deure in hoeës aant verve woore, haaje ze veur ut gemaak de klinke der mer aangehooldj. Mer zoeë iets minseliks as eederein waal ins heet, mōst Ger op ein gegaeve moment toch efkes nao ut kleinste kēmerke. Waat der toen gebeurdj is, is neet te zēgge. Mer door ein stōm toeval Kōst Ger neet mieër vanne W.C. aaf koomo. Nemes waas op dët moment thoeës, dao sting ze dus. Ze dacht, noe kan ich waal oppe bril gaon zitte wachte, mer dët zitj oppe door toch auch ongemēkkelik. Dus Ger wiej eine bandiet, veur ut W.C. raemke staon te roope en zweije. Ondanks dët dit raemke langs eine drukke weeg laag, heet ze oppe bevriejing nog nog lang mōtte wachte.





VEUR EIN STERK
DRENKSKE OF PILSKE
SLIETERIE 'BACCHUS'

VEUR EUR DAGELIKSE
BOEËDSJAPPE
NAO FRANS + NELLIE



aan ein beurtje
toe?
Sjoeën, den nao
schoonheidssalon Sandra.

NAA'TE VEUT:

De hieële zunjig haaj ut gerengeldj dêt ut mauwdje. s'Aoves laat waas ut eindelik druueg. Zeet man tege vrouw, laot der oos nog ins oeët loupe, veur ein frisse naas. Dao waas ut eigelik neet zoeë veur te doen, mer manleef haaj eine noeëwe wintjerjas. Dus sportsjoon aan en waalgemoed op paad. Ze zeen twintjig maeter van hoeës, en dao steit mich ein plas water, zoeë groeët as ein meer inne geut. Oetgeraekendj môst Bèr dwars door die plas haer riej.

Gae raodj ut al. Man van bove tot oonger naat, auch de noeëwe jas, vrouw de watergolf oet de haore. Man wildj. Mer dae erme Bèr, waetj vanne prins gein kwaod. Want door dêt hae de hieële

middig oppe kruk haaj
môtte blieve zitte, waas
der van binne hieëlemaol
naat gewoore. En dees naat-
igheid is neet bevordelik
veur de riej stijl. Mer
noe môtte wae der waal bie

zègge, dêt Bèr anders toch eine gooje sjaufeur is. En oomdêt der nogal veul euver ut water reist, dinke wae den auch, dêt der inne ver-
ongerstelling is gewaestj, dêt der al op weeg
waas, euver de groeëte plas nao Ingelandj.

Waat is eine Naam:

Ut Prinsebal waas wie altied leuk en gezellig. Eine houp muziek, eine houp hoempapa en eine houp drank. De stumming zaat der good in en de spanning waerdje opgeveurdj tot ut oeterste. En oeteindelik dao kwaam opins de post binne, met ein groeët postpakket. En zoeë as gae alle maol inmiddels waal zult wete, dao kwaam oet Peter den I as de noeëwe Prins van Ell. Peter is getrouwdj met Maria en is eine verstenjige hoesvader van veer kinjer. Hae is eine hel waerkendje zakeman en as hobby bringt hae auch nog de post roondj, of is ut noe andersoom? Mer och dêt duit auch neet toe. Trök nao vief januari, oetrooping vanne Prins. Noe hubste altied van die minse, die gaer wete weem of dêt der Prins is gewoore, mer oom nao de onthulling toe te koome en oom ut spektakel met te make, dao loupe ze neet zoeë hel veur. Du waat doon ze? Ze belle oom ein oor of 12 op nao de zaal en dêt ging dit jaor zoeë. Ring,ring,ring..... en dêt nog zo'n 15 kieër. Sjeng is auch neet mieër waat dêt der gewaestj is, dus deurtj ut effe veurdêt der opgepaktj heet. Mer neet te min hae blieftj eine gooje. Hallo met Ellenhof... Jao gooje aovendj, weem is der Prins gewoore? Peter van Hunsel.

Nae neet van Hunsel, mer dae van Ell...

Jao Peter van Hunsel...

(Stum al ein bietje kriegel) Ich vraog neet nao de Prins van Hunsel. Ich vraog nao dae van Ell...

Gooje bèste man, dêt is Peter van Hunsel...

Nog efkes stil. Waat gegrauwel, hoem, klats, paaf, en toen waas de hoorn kwaod nieër gegoeëdj!

Wis djer al....

Dêt Der minse zeen, die stille nacht, heilige nacht, as slaopstil en zacht letterlik numme.

Dêt Dêt zacht veur veul minse huerbaar waas.

Dêt Ze ut auch oetlègge kinst, dêt ze neet tege wierouk kinst.

Dêt Cristje ziene hoondj is doeëdgesjoote.

Dêt Dêt oppe jacht door de jaegers gedaon is.

Dêt Jan auch eine bok gesjoote heet op Kerst-aovendj.

Dêt Hae dêt deeje soonger kogelvanger.

Dêt Ut ei gelök is dêt de gemeindjeraodsverkeezinge ver veur Kertsmis woore.

Dêt Der anders neet veul puntje hooldje.

Dêt De kerstpudding misluktj is.


Dêt Dêt neet op ein plaats gebeurdj is.

Dêt Die minse toevallig ut zelfdje heite.

Dêt Mia en Piet hieël gewuuen name zee.

DE NOEWE VOELNISBAK:

Höbtj gae auch zôñne sjoeëne container gekrege? En haatj gae der auch ein breekke bieje, dêt asse hum sjoeën wilt haoje, dêt djer den gezette ongerin môtj lègge? Ongerin lègge höbtj djer dêt al ins geprobeerdj?



DE NOEWE VOELNISBAK:

Dê gezette ongerin lègge, allee, diej kintj gae der in goeëje. Mêr asse der al ein stök of drie zêk in oomgekieperdj höbst en ut leegmake vanne containers pas in Januari begintj, den bêste toch eine aap gelogedj. Dê gebeurde Peter. Hae voonj ut mer henjige dinger, toen ze aan hoeës waerdje bezeurdj. En ut sjoeëne waas dêt de volgendje daag toevallig de voelnis waerdje opgehooldj. Der stinge ein paar zêk en hup mer drêk oeëtgeprobeerdj wiej dêt dêt dink wêrktj. Het waerkdje dus neet. Want toen de voelnismen langs woore, sting Peters container nog vol aane straot. Waat heet der gesakkerdj, wiedê der met henj en veut de smurrie droet heet môte hoole en weer trök in zêk heet môtte doen. En nao oos vermoede, is dêt nog waal op ein plaats gebeurdj. Mer van dae persoeën steit al gêt in deze Kwaakel!!!



Ut moppe trummelke:

"Kintj gaer neet op ut spraekoor koome?" snautj de dokter. "Gae zeetj ein oor te vreug." "Ut is toch neet mien sjuldj, dêt dae rot hoondj mich ein oor te vreug heet gebeete!".



De meister vreugtj: "Weem kan snel vijf deere opnumme, die in Afrika laeve?" Bliksems snel antwoordj Fritsje: "Eine olifant en veer aape."

Hein geit met zien vriendje Peter nao de diere-tuin, woeë ongerangere eine taame ojevaar vriej roondjluptj. Ein paar maedjes zeen bang veur dae groeëte vogel en zurge dêt ze op veilige aafstandj blieve. Hein geuftj Peter eine por in zien rubbe en zeet: "Koom joh, wae gaon gêt korter bieje, mansluuj duuit der toch niks."

Ut is verboojje oom hiej te zwumme, juffrouw. Mer meniër de plies, wooroom zegtj gae dêt neet ieërder, veurdê ich mich hub oeëtgekleidj? Oomdê oeëtkleije hiej neet verboojje is!

